



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fragstück Des Christlichen Glaubens/ an die neue Sectische Predigkandten

Hay, John

Freyburg in der Eydgnoschaft, 1587

VD16 H 844

Die 178. Frag.

urn:nbn:de:hbz:466:1-32773

Die 178. Frag.

Es hat Gott nie zu einiger zeit Propheten vnnnd Lehrer gesandt/die sich selbs durch einandern der Lehr vnnnd Glaubens Articklen halben verfolget vnnnd gelästert haben/ Ist nun euwer Lehr von Gott her/vñ ist euwer Beruff auß Gott/was ist dann die Ursach/das je einer den andern verarget / scheltet vnd für einen Kesser verruffet Wie Lutherus denn Zwingale / Calvinus vnnnd Zwingle den Luther / Lutherus aber die Widertäuffer / die Confectionisten den Hosiander / ist hergegē Hosiander wider Philippum / Philippus wider den Luther / die Jlyrischen wider die Adiaphoristen / ob sie gleich wol zu beyden theylen wollen Lutherisch seyn/also die Wittenberger wider die Wittenberaer / Bullinger wider Br nium / Scurus wider Pappum / Gryneus wider den Bullinger / all wider den Schmidle / Schmidle wider all / vnd also für das / hic nicht wol zuerzählen / je einer wider de andern die obersten Sectenmeister wider sich selbs / Predigkandt wider Predigkandt / Botek wider Botek / vom höchsten bis zum mindesten. Vnd damit euwer Vnemißkeit desto bekandter seye / so machet jr sie nicht allein auff der Tansel lautprecht / sonder auch mit euwern Schrifften / so jr in offnen Truck außgebt. Wolten jr nun Gottes Gesandten seyn / vnnnd Apostolische Lehrer / so solten jr auch gleich angehendts euwre Glaubens Artickel gestellt / vnnnd wie die Apostel in ein gewisse. Regel vnnnd Symbolum beschloffen haben. Wer sieht aber nicht / das es euch nicht wie den Bauwleuten der Kirch Gottes glücklich von statt gangen / sonder gleichsam ergangen ist / wie den Bauwleuten des Thurns zu Babilon dann da jhrs habt auß Hochmüt ohne Gottes Befelch angefangen / hat Gott den Geist der Zerstreuung vnder euch kommen lassen / wie es nun mehr dann zuvil am Tag ist. Vnd wie zuvor / ehe die Kirch Christi von den Aposteln gepflantz ward / wilerley Abgötter / falsche jrige Superstitionen allenthalben regierten / also hat hernach da man an diser Kirchen hat angefangen abzubrechen / vnd von der Einigkeit außgetreten ist / auch nichts anders darauß können erfolgen /

erfolgt/als abermal vilerley Religiongötter/falsche frige Seeten
vnnnd zertrennung der Christenheit/das der Spruch Hieremie bey
vns auch ist war worden/Nach der Zahl vñ Menge deiner Städte/
hastu Teutschlands auch vil Götter vnnnd Glauben. Hierem. am
andern Capitel.

Die 179. Frag.

In habt erstlich surgeben / ihr brächten das Liecht der waren
Lehr herfür / woher kompts dann / das ein solche grosse ver-
wirrung darauß entstanden / das euwere eigne Nachfolger
mehr ärgerauß vnnnd zweyfflung ab disem Zänckischen Starck
der Christenheit empfahen / als aufferbawung vnnnd erleuchtung.
Wie solches euwere Scribenten vnnnd Lehrer selbs beklagen / des ich
den Selnecker zum Zeugen mag anbringen / der schreibt von euch
also / Da ist des Zänckens kein Maß noch Ende / ein jeder will
recht haben vnd den andern vnder trucken / vnd wer nur etwas neu-
wes kan erregen / vnd jm darmit einen Namen machen / der thuts.
So ist auch Maior zu Wittenberg gezwungen zu bekennen / dise
euwer Zertrennung sey so groß / das auch die einfältigen Herzen
zweifeln müssen / wo doch die Wahrheit zu finden / vnd ob doch ei-
nige Kirch Gottes vorhanden sey / die von andern vngläubigen
Völkern vnderscheiden werde / wie zu sehen ist in seinem Schrei-
ben von Bekandnuß der Glaubens Articklen / vnnnd Selnecker
vber den 13. Psalmen.

Die 180. Frag.

Was ist die Ursach das ein solche vnnbeständigkeit bey vnnnd
vnder euch ist / das mancher von einer Religion in die an-
dere / bis in die dritte / vierdte vnd weiters fallet / ehe er wiß
sen möge welches die ware oder beste sey. Vnnnd solches gleichers
weiß mit gansen Landt vnnnd Herrschafften geschicht / also das die
Vn- erthanen nach des Herren oder Regenten willen / bald Lu-
thrisch / baldt Calvinisch / baldt aber Luthrisch vnnnd wider Calui-
nisch seyn vnnnd werden / gleichsam / als were der ewig Gott ge-
zwungen bald den Luthrischen Glauben / baldt den Calvinischen /
baldt